

十朝东华录

康熙朝第三函

函七册

秋七月癸亥以毫濟爲內閣學士由第○乙丑以韓英爲內閣學士原董安國爲漕運總督

棟矜功冒奏已蒙 皇上隆恩給以一等精奇尼哈番今越例求賜田房乞嚴議定罪得旨著趙良棟明白回奏至是趙良棟遵旨

同奏臣願在京居住因請田房實因懇 主心切今臺臣謂臣驕縱矜功何不矜功於十六載之前而矜功於十六載之後耶爲

眾排陷不得不備敘陳奏得旨趙良棟於康熙二十七年來京獻召至宮中趙良棟歷奏四川功績奏敘實爲屈抑言之至於流涕

又明珠過甯夏時趙良棟又言功績未敘今謂十有六載從未矜功想年老遺忘朕念其首倡建議遠取四川俱從寬宥又趙良棟

奏入京將及一載借貸銀二千餘兩著賞銀二千兩趙良棟年已衰老著回原籍調養○壬午諭吏部兵部各省督撫提鎮官員閒

令來京陛見原欲以地方情形及兵民生計面加諮詢具有深意近見來京各官輒以進川馬等物爲辭多所置辦雖經卻還但恐

其在任購買致貽地方官員兵民之累朕本欲詢兵民生計召令前來若反致累兵民殊失朕之初意且川馬如果需用朕自頒特

旨令出產地方辦解何須進獻營通行嚴禁○噶爾丹遣使梅塞桑布拉特和卓等上奏曰使臣馬迪被害之故前經屢次覆奏無

可另行陳奏之處至於會盟雖自定奪奏聞 皇帝若遣丹濟拉丹津俄木布往觀固所願也但在貧乏難以遣行至澤卜尊丹

巴胡土克圖土謝圖汗七旗喀爾喀之事前經奏請乞准行前內大臣吳丹存日曾與濟隆胡土克圖議定乞如議行行商回子使

人向常來往請安是以使往貿易又達賴喇嘛之事漸次興隆使四十九旗蒙古四厄魯特各在其地同享安樂乞照前行奏入命

議政大臣議尋議據噶爾丹等言噶爾丹今歲未嘗耕種馬匹烙印收集獵戶遊牧塔米兒之地意欲掠取根敦戴青

順克魯倫下流侵車臣汗科爾沁之西此言雖不足深信亦不可竟以爲虛應檄黑龍江將軍薩布素加意哨探歸化城將軍費揚

古處前已有侍郎滿丕前往應令相機行事目下遣尙書班迪探聽聲息俟到後令根敦戴青等入內遊牧使其遠設汛哨探言奏

報噶爾丹使人梅塞桑應仍遣歸不必降敕將原奏發回奏上得旨著仍撰敕交來便齎回敕曰今春諭爾敕書實爲明顯茲覽爾

奏仍以不曉文義巧爲飾說是爾故違朕旨也且爾歷來陳奏皆云行達賴喇嘛之教今春遣爾使歸後達賴喇嘛及第巴有奏以

寬爾罪仍留汗號爲請且云遵諭和之旨特遣賴楞堪下達爾漢溫下前赴爾處等語今爾來使梅塞桑等言爾遊牧於塔米兒之

地東向以行爾之所爲必欲異於達賴喇嘛第巴之言者是爲違其教乎是爲不遵乎以此觀之爾口雖云不悖達賴喇嘛之教而

竟不遵行明矣今爾既東向前來應仍會閱庶於事有定不然縱復遣官布告終屬無成其奏請會閱可令丹濟拉丹津俄木布二

人齎來備執故見不遵朕言嗣後永勿上奏通使○子故原任內閣學士田喜寶祭葬○丙戌以阿爾拜爲戶部右侍郎由內閣

○戊子江南江西總督范承勳奏江西有漕糧之四十八州縣除南昌新建二縣外餘皆地處山僻必須小船裝載至省城水次方

可交兌糧艘向年俱係民貼腳價官爲解運止因州縣官恐涉私派之嫌將此載入全書康熙二十六年漕臣奏參以各省並無支

給腳價之處無一處報完者此項銀兩若賣賄於官官已數更責賄於民又原係民間貼出之價豈可再令賠補且以後若將此賸價停給則僻處州縣之漕不免遲誤更為可慮懇恩此後仍聽支給以前免其追賠部議不准行得旨江西所屬州縣多處山陬百姓自願貼費將漕米運至水次著聽民貼運從前已經支給者俱免追賠○福建巡撫卞永譽奏原任福建總督范承謨巡海道陳啟泰已蒙贈諡今士民請立祠致祀從之○己丑勇署將軍趙良棟奏 皇上念臣年老足疾令回籍調養但甯夏無明醫臣欲江南就醫得旨著給與船隻前往○以楊鳳起為湖南巡撫

八月庚寅朔以張勳為湖南布政使

○以喇錫為內閣學士

實者少批者多米價騰貴高粱一斗幾三百錢故將通倉米令運一萬石至此處五千石至順義縣減時價發糶米價稍平一斗百

錢民以不因此地寒冷米穀多至失收今河水方盛著將通倉米運至密雲順義各一萬石令貯倉備用○辛丑工部奏請遣大臣

閱視河工得旨閱視河工原欲查覈有無浮冒情弊及隄工堅固與否侍郎趙山等往閱河工將總河並未修理之處反稱工程堅

固如此則閱視何益今雖再遣大臣不諳水性亦跟前人所行而已趙山等著嚴處議罪此後閱河著永行停止尋部議趙山應革

職交刑部得旨趙山著為章京效力○西安將軍博爾濟特呼爾丹屬下回子塔什蘭和卓等五百許人過我三岔河汛界肅州總兵

潘育龍擒解前來請皆拘留肅州邊內俟得囑爾丹確信再行遣回從之○癸卯河道總督于成龍丁父憂命回旗守制○丙午

上駐蹕克勤和洛命都統公宗室蘇努都統阿席坦護巴等分統大軍備鳴爾丹期以癸丑日師行○以傅繼祖為內閣學士

○蘇昌臣為山東按察使

○己酉先是 上密諭科爾沁土謝圖親王沙津曰鳴爾丹為人極其狡猾朕欲發大兵往征

恐彼聞風遠遁及至撤兵彼又復來擾爾蒙古今必立圖克獲鳴爾丹遺爾書內既有乞爾遣人於彼之語爾可藉此遣人語爾

丹云我科爾沁十旗俱已附爾矣爾可前來我等當從此地接應以此說之誘至近地於時朕親統大軍風馳電掣彼不及遠遁斷

可滅矣爾可仍遵前所差鄂齊爾再往誘鳴爾丹至近地至是沙津來朝 上遣侍郎西拉與沙津同往密授鄂齊爾說鳴爾丹之

計視其起行即以遣鄂齊爾之故密諭達爾漢親王班第及諸台吉○調軍安國為河道總督以桑額為漕運總督

賜喀喇沁多羅杜楞郡王扎什等冠服段匹○遣使齎敕往諭鳴爾丹曰尚書班迪於八月二十二日奏報爾擁兵來西小退哈難

巴圖爾及納木扎爾陀音等所居近地肆行掠害前爾自烏闡布通敗竄時於內大臣吳丹前跪禮威靈佛像誓不再侵中華皇帝

之喀爾喀與眾生靈爾之印文誓書昭昭具在且爾每有奏疏自謂遵行達賴喇嘛之教乃於朕與達賴喇嘛議結之事屢生齟齬

更棄誓言是爾於其教名奉實違爾今來必有意應備奏陳朕自有裁奪此兵果爾親帥與否差五品官阿爾必特祐前往確詢特

諭○乙卯賜喀爾喀澤卜尊丹巴胡土克圖土謝圖汗多羅郡王敦多布多爾濟等衣幣○己未以楊廷耀為山東巡撫

孟世泰爲河南按察使由湖廣武○子故原任戶部尚書王隴荆部侍郎李迴內閣學士沈圖祭葬

九月己巳 上駐蹕森濟圖哈達諭議政大臣舅舅佟國維等將軍伯費揚古報稱噶爾丹將喀爾喀西卜退哈離巴圖爾及納木

扎爾陀音等恣行劫掠即竄往土喇河順流而下西向庫黑納塔爾納以去以此揆之彼實無意內來京師所發大兵可暫還秣馬

以待並撤盛京烏喇黑龍江將軍及科爾沁等諸扎薩克其豫備兵且止仍檄將軍伯費揚古所領兵眾亦撤回本汛將馬匹加意

喂養若令喀爾喀等入汛界內遊牧恐有互相竊奪之事可檄向書班迪令在彼汛界外附近處暫居○庚午以汪樞爲福建布政

使由揀繁

○丁丑改雲南平彝衛爲縣○己卯以李成林爲福建按察使由湖廣武

正道選

○癸未諭戶部直隸順天保定河間永平四府

水潦傷稼三農歉收雖經勸災頒賑不致此離失所而額辦錢糧若仍行徵取則民力匱乏難以輸將朕心深切不忍著將四府康

熙三十五年地丁銀米全與蠲免其霸州雄縣香河寶坻四處皆有水道可以轉輸每處著撥米一萬石各差司官一員齎往照彼

地時價減值發糶以資民食著行文該撫通行曉諭俾均霑實惠訓朕軫念災黎至意○乙酉以線一信爲安徽巡撫由湖北布

己丑先是 上諭大學士及部院各衙門堂官等各將屬員賢能者揀選保舉其才力不及年老有疾者亦甄別引見至是大學士

九卿等以保舉郎中員外等官四十七員及甄別者四十二員引見 上曰此次參革官員甚多伊等皆由部院年入升任原無罪

過老病者著解任餘皆以旗缺補用此保舉官員朕未盡識郎中係朕親用之員朕皆知之其員外主事之中有年少堪任用者爾

等可再行揀選尋大學士等又保舉九十五員引見得旨此次參革郎中員缺以揀選員外郎開列員外郎缺以揀選主事開列俱

視其出缺之先後應俸之淺深以次補升其主事員缺著將筆帖式揀選補用再各省有操守清廉愛養百姓練達吏事之官亦著

該督撫各舉二員或三員咨送到日奏聞引見○湖廣總督吳璥奏臣遵旨詳察湖南丈量田地自康熙三十年俱聽民間自報州

縣官履畝丈勘完糧實無累於民下所司知之

冬十月癸巳諭大學士等右衛地方甚要將軍責任甚重惟伯費揚古堪任是職著授爲右衛將軍仍兼攝歸化城將軍事務○丙

午納木扎爾陀音以不遵諭內移致爲噶爾丹所掠又縱噶爾丹致書之人來京面縛請死特旨宥之○丁未添設墨爾根城防守

尉四齊齊哈爾城防守尉一○諭議政大臣等聞噶爾丹部落不過五六千人我大兵皆踴躍願戰而大臣官員遠巡退縮無意效

力近噶爾丹於巴顏烏蘭屯聚彼縱不敢深入或潛來邊徼掠我外藩亦未可定聞警後始遣大兵勢不能朝發夕至我進彼退我

還彼來再三若此凡蒙古諸部亦大遭其蹂躪矣爾諸王大臣可與八旗都統前鋒統領護軍統領副都統等公同籌畫作何進止

其詳議之尋議覆宜遣發師徒攜兩月糧赴巴顏烏蘭進剿 上曰方今冬令噶爾丹雖不能親率其妻孥輜重前來或以遊騎潛

掠汛界近地亦未可定然諒其人無多京師大兵不便輕發即遣往亦未必與彼相值莫若以蒙古兵應之現今墨爾根濟農善巴

俱令酌量徵調其東路兵宜另派大臣管領兩蘇尼特兩阿霸哈納旗兵著索額圖前往收集鄂克濟哈扎喇克圖見赴
汛界索額圖可偕去喀爾喀土謝圖汗等及兩營齊武兩烏朱穆泰兵著明珠偕阿喇尼恩額森前往收集俱令各駐要地探聽聲
息都統噶爾瑪副都統碩岱朕已令於察哈爾左翼駐紮毋容違動設有必不可已機務再行調取會同索額圖明珠等以行其理
藩院官或別部院官聽其酌量奏請帶往茲遣伊等非取其奮勇一試惟期一應聲息得其真實耳尚書班迪雖見在彼偵探猶恐
京師大兵難遽定行止故復有此遣師之進退俟伊等報聞定奪○壬子以載通爲督捕侍郎綏色爲內閣學士由副中選○丁巳調張
勛爲山東布政使王道熙爲湖南布政使

十一月己未朔日有食之○庚申以高拱乾爲浙江按察使

由福建選

○壬戌安北將軍伯費揚古奏噶爾丹在巴顏烏圖之地宜

分軍進剿 上諭議政大臣等我大軍進剿噶爾丹宜分爲三路東一路仍派盛京兵二千甯古塔兵一千黑龍江兵將軍薩布素

酌派再派科爾沁兵四千令定期會合沿克魯倫進剿西一路徵調各處官兵總轄於費揚古由歸化城進剿中一路以京城每佐

領下所餘豫備兵六名及火器營兵與費揚古所請宣化府練旗兵俾其發往西路皆定爲中路進剿此三路官兵俱令裹八十口

糧中路隨運米石著諸王大臣官員急公之駝馬駝運糧不足即動支正項錢糧雇車裝載西路軍糧應隨運幾日費揚古明白

具奏至師行惟馬最要東光吳橋景州三處戶部見貯有芻豆每佐領下發馬十匹交地方官酌量遣侍郎陳汝器往督之是師來

年何月何日啟行著費揚古定議以聞○甲子盛京禮部侍郎艾肅以病乞休命以原品解任○乙丑原任河道總督于成龍條奏

河工事宜 上諭大學士等朕於河務留心日久曾屢經閱視河道並詳察河圖今觀于成龍奏言龍王閘閘底漸虛應於五空橋

等處建閘又高家堰運料甚難應開壩行運所言皆當先靳輔亦曾請濬小河運料此仍依靳輔所奏行方善此本可發見任總河

如於運道民生實有神益則一面估計興工一面具奏備有不可行處亦著逐一確議具奏大約清水勢盛足以蕩刷黃河積沙始

得通流不至壅遏若淮弱黃強黃水倒灌則河口往往淤滯朕先閱河時親至高家堰備察情形故悉其要領○丙寅停今年秋決

○戊辰子故原任禮部尚書介山祭葬○厄魯特阿穆呼朗等四人自巴顏烏圖來降言噶爾丹向踞和卜多本年二月至八月於

克魯倫河源處屯聚掠得納木扎爾陀音牲畜於巴顏烏圖作度冬計兵有六千策妄阿喇布坦見駐厄輪哈必爾哈之地與噶爾

丹仍前不睦絕不通使再噶爾丹竟欲舉兵內因伊拉古克三胡土克圖以路遠勸止 上嘉其來歸授阿穆呼朗等三品官歸

併上三旗給田產衣食○庚午以肅愛爲盛京禮部侍郎由大理選○命原任武英殿大學士李天馥入閣辦事○乙亥先是 上命

副都統阿南達將伊拉古克三胡土克圖僧徒衛徵喇嘛等交將軍伯費揚古查明具奏至是陸續解至京師理藩院同三法司會

審伊拉古克三胡土克圖所遣羅卜藏端魯卜等往衛徵喇嘛家探信來爲奸細煽惑蒙古之心衛徵喇嘛等與伊拉古克三胡土

克圖交通信息意欲迎噶爾丹之兵是實皆應立斬其衛徵喇嘛徒眾皆應贖責交與盛京大喇嘛安插得旨此奏暫存之○安北

將軍伯費揚占奏巴顏烏蘭距歸化城約二千里西路進剿官兵除白齋糧八十日外應復隨運兩月行糧所調各路兵俱令明歲
齊集歸化城二月二十日前後啟行 上諭議政大臣等可俱如費揚占所請其隨運之米可定爲五十日現今大同附近諸處未
經積貯草豆著戶部派才能官一員往同該撫約計馬二萬匹四十日芻秣之需速行購備京城每住領下添撥西路之議軍三名
烏槍兵一名於今歲十二月望後起程至大同養馬四十日如期赴歸化城進發再宣化府見喂馬匹亦著帶往西路備用其中路
進兵之期俟遣往費揚占處人回定奪○命丁憂河道總督于成龍以左都御史原銜督運中路軍糧○予故安徽巡撫佟國佑祭
葬○戊寅郎中殷扎納奏臣等往諭喀爾喀公慈都等內移慈都竟執劫臣等四十餘人北徙行至五站外始釋臣等自行北徙臣
等南歸至慈都親兄台吉車卜登所告之以故車卜登言我不與我弟同叛今將率兵往追慈都 上曰台吉車卜登不與惜花殊
爲可嘉著將慈都鎮國公與車卜登襲封授爲扎薩克○庚辰 上大閱於南苑○癸未以李鈞爲督捕侍郎由大理寺卿趙星璧爲浙
江布政使由四川按察使○丙戌 上還駐暢春園○戊子命安北將軍伯費揚占爲撫遠大將軍○先是遣五品官阿爾必特祜爾敕
往訊噶爾丹至是阿爾必特祜爾以噶爾丹奏章至其奏曰蒙降 敕書不勝懼忭辛未年來草美獸蕃便有行想 皇上亦鑒
悉之矣念與蒙古疆界相近恐有妄行故爲之禁止遣人一隊遺書道意而納木扎爾陀音等反以爲往攻棄其牲畜而去至所云
掠喀爾喀之事乃我界上行人所劫我不知之至達賴喇嘛所差濟隆胡上克圖與內大臣吳丹等所定之議前經節次上奏伏乞
仍照前奏加恩雖有罪愆亦乞寬宥有果若有理降溫旨不勝忻悅奏入得旨此奏暫存之勿與敕諭○是月免直隸宣化霜災令明
年額賦

十二月甲午大學士丁同阿等奏 聖躬灼艾未愈時際嚴寒乞暫停御乾清門聽政應奏事俱交內閣轉奏 上曰朕每日聽政
從無間斷閒坐宮中反覺懷抱不適爾諸大臣面奏政事朕意甚快體中亦佳今灼艾視前已愈國政緊要朕仍照常御門聽理或
遇大風甚寒之日自另有旨○乙未以祖文明爲四川按察使由河南開歸道○丁酉命都統伊勒慎護軍統領宗室費揚固瓦運達副
都統碩岱將軍舒恕參贊大將軍費揚古軍事○己亥命西安將軍博震振武將軍孫思克副都統西爾哈達祖夏璧馬自德巴圖
帥師由陝西出鎮彝討噶爾丹○庚子命費揚占以大將軍事務暫授參贊當夏將軍舒恕乘驛赴京師○癸卯盛京兵部侍郎舜拜
以病乞休允之○乙巳以山西平陽府地震頒詔天下詔曰邇者畿輔郡縣災傷疊告而山西平陽府屬復有地震之異雖類所在
倉廩素有積貯及時周賑幸免此難而朕心祇惕不敢以水旱災沴視爲氣數適然謂必政事之失宜方致陰陽之有忒反躬得省
深儆予辜夫圖治之道莫先於養民速下之仁莫重於寬恤茲特誕沛恩膏肆宏赦宥其免平陽所屬今年額賦山西陝西江南浙
江江西湖廣廣東福建等省三十三年以前通賦亦盡蠲之察貪殘卹兵弁救殊死以下政令有不便於民者暫撫察覈以聞○丁
未戶部奏烏喇打貂鼠不足額該管官應議罪 上曰數年來因常捕故貂少但得如數而已以此議處是無辜獲罪若不得佳者

朕但少御一裘何關緊要且貂價甚貴而又非必用之物朕亦不甚需之該部行文烏喇將軍議定到日再奏○已酉以傅繼祖爲盛京兵部侍郎覺羅三寶爲內閣學士

由翰林院爲內閣學士遷

○壬子原任郎中何必達奏臣聞怒都叛去卽會同喀爾喀王納木扎爾台吉

丹津陶賴等往追時怒都屬下台吉占巴喇綽語色楞等始爲怒都倡往隨牧至海魯爾河入據林中不隨遊牧怒都率兵來擊占巴喇等逆戰奔還自訴貝子益楚克亦率兵來會臣軍共追怒都戰於呼拉濟地方怒都敗走欲遣人追躡台吉旺扎兒屬下胡進

不付驛馬以致稽誤

上諭理藩院曰占巴喇等力戰歸來殊屬可嘉著賜與蟒服段布以示獎勵王納木扎爾貝子益楚克等追

逐怒都具見報效忠忱著將陣亡被傷姓名人數查明議敘後有用兵之處免其徵調胡進交該扎薩克鞭一百嗣後凡有馳驛情

事立行應付勿得遲誤再檄知何必達當嚴查盜竊橫行仍不時哨探聲息○丙辰以降調尙書熊一瀛爲太常寺卿○是月免江

西新淦等三縣廣東保昌等四縣所旱災額賦有差○是歲朝鮮琉球入貢○人丁戶口二千三千七萬六百五十四田地山蕩

地五百九十七萬五千二百六十八頃五十四畝有奇徵銀二千七百三十九萬一千八百八十四兩有奇米豆麥六百九十六萬四千

七百五十八石有奇草二百八萬一千八百五十六束茶十五萬七千四百五十三引行鹽四百三十一萬九千三百七十引徵課

銀二百六十九萬五千二百八十二兩有奇鑄錢二萬三千六百九十四萬六百七十有奇

康熙東華錄五十七

康熙三十五年丙子春正月壬戌諭議政大臣等出征馬匹所關甚要著將兵士行李稱驗斤兩毋得過重以疲馬力爾等會議具

奏尋議原定兵士每人所給馬四匹四人爲一伍伍每五人廝役各一名一伍合計軍器糧糈以及一應用物共重九百七十五斤零一

伍馬十六匹本身與僕從騎坐八匹外餘八匹每駄應載一百二十斤又每伍增給藏子一匹每駄應以一百七斤合算從之○

甲子京師地震○己巳諭督運都察院左都御史于成龍等中路米車所載過重遠輸沙漠恐馬力難勝可再增造五百輛均分

裝載○辛未上御太和門宴賁出征大臣官兵○甲戌漢大學士九卿科道等奏噶爾丹小醜反覆皇上赫然震怒命加天討

西路大兵已特敕撫遠大將軍伯費揚古爲帥而將軍舒恕博齊孫思克等又率三秦滿漢大兵協剿惟中路將軍未蒙簡命

竊意睿謨深遠將欲親統貔貅掃清朔漠臣等竊以皇上爲百神之所憑依四海蒼生之所倚賴似不必以此稽誅小寇窮

臨壁壘伏冀皇上特簡中路大將軍一人令統大兵與諸路並剿如應道里遠隔一切進止機宜調度爲難或駐蹕近邊指授方

畧則諸路大軍自可祇奉成命立奏膚功得旨朕臨御以來日以愛養兵民爲念未嘗輕於用兵遠事征討方今宇內無事惟厄

魯特噶爾丹違背約誓恣行狂逞侵掠我臣服之喀爾喀恐漸致邊民不得休息故特遣各路大兵分道並進務期剿蕩爲塞外生

民除慮向年烏爾布通之役朕以策誘噶爾丹入距京師僅七百里許大兵已經擊敗乃竟中賊計致噶爾丹遁走被時因朕躬違

和未得親至其地失此機會至今猶以爲憾噶爾丹竄伏巴爾烏爾地方相距未甚遠遠是以未憚勤勞親詣邊外相機行事此賊

既滅則中外甯謐可無他慮假使及今不降日後設防兵民益多擾累所奏已知之○辛巳諭領侍衛內大臣等官軍之職役人等
有能踰窺角營而進擊者作何給還本主身價令其出戶以示勸勵爾等集議尋議覆官軍家下兵丁廝役或發駝營或鹿角營或
於曠野賊兵對敵之處有能首先躍入眾人接踵繼進以致殺敗賊寇其首先躍入之家下兵丁廝役及其父母妻子俱撥在佐領
立爲另戶照例計其人口給還伊主身價得旨依議其第二三前進者亦著照此例行○癸未調練一信爲浙江巡撫以陳汝器爲
安徽巡撫^{由部調}○甲申諭兵部等衙門大兵至巴顏烏蘭備噶爾丹不敢迎敵從此遁去可豫選察哈爾兵一千六百名喀喇
沁翁牛特兵一千四百名再於大兵內及新滿洲諸王護衛喀爾喀兵內共選精兵一萬備足駝馬糗糧務將噶爾丹窮追剿滅○
命部統公彭春參贊西終事務○乙酉 上以親征噶爾丹謁 陵啟鑒○諭統運步兵於常給外各加行糧才堪拔擢者所司稟
請錄用

二月丁亥朔 上謁 暫安奉殿 孝陵至 仁孝皇后 孝昭皇后 孝懿皇后陵奠酒○辛卯 上還京師○甲午命費揚古

自京赴歸化城 上勉期四月下旬令會中路大軍於土喇若噶爾丹從克魯倫河而下與中路兵近西路兵遠則中路待西路之

兵若噶爾丹在土喇與西路兵近中路兵遠則西路待中路之兵○以喻成龍爲刑部右侍郎^{由大理寺卿遷}○己亥厄魯特策妄阿喇布

坦遣使囊素等請安進貢又奏噶爾丹^如惡乞遣還回子歸己 上賜以敕書曰朕爲萬國元后惟以率土又安咸享樂利爲心其

能備覆載之懷敬慎自持者朕必愛恤教育之其或不循分誼包藏禍心悖安和之理者朕必懲創匡正之此朕統御寰區爲人君

之大道也今爾策妄阿喇布坦遣使請安貢獻方物又以噶爾丹奸詐爲所侵陵與爾有不共戴天之讐拔掘情實齎奏入口誠心

求恤朕爲一統萬邦之主有不眷爾誠心效順之人乎查爾所奏回子之事今噶爾丹雖無回子前來貿易此後或來朕必交該部

查明如爾所請發往爾向永懷敬順朕將添加恩賜焉前噶爾丹猖獗橫行闖入烏爾布通之時朕遣偏師大敗之欲即窮追將盡

繼矣而噶爾丹乃長跪於達賴喇嘛所遣威靈佛前而誓曰不敢復侵中華皇帝之喀爾喀與眾人民載書加印始免其誅滅而朕

之朕殊不喜征誅今噶爾丹悖棄誓言朕我費爾之使劫略爾喀之人阻止班禪胡土克圖之來今又至巴顏烏蘭動搖我人民內

懷譏詐欲行禍亂其迹顯然朕爲一統萬邦之主何得不加創艾是以發三路大軍誅討凡罪皆在噶爾丹他無與也但三路大軍

甚眾聲靈赫濯恐邊外之民不無震驚爾其徧諭爾之屬眾以至吐魯番諸處各令照常安居勿致驚潰特遣內閣侍讀常明理藩

院司務英武爲使賜爾花段二十匹銀茶桶茶盆各一具狐腋蟒袍一襲貂帽一頂玲瓏鞋帶一圍皮鞞蟒襪各一對爾如有所欲

言其遣人偕使臣來奏○丙午諭領侍衛內大臣等火器營軍士既派在頭隊二隊其火器營大臣卽率之接戰至於都統護軍統

領副都統等俱係特簡大臣人材偉岸並無庸懦者頭隊二隊及兩脇可照各翼派定昔 太宗文皇帝時公彭春之祖和碩圖於

南苑交戰橫衝而入奮勇破賊故封以公爵今有能越眾效力者朕自不靳爵賞若退縮不前者治罪無赦○改江南裏河同知爲

福南通省河道高家堰同知爲山圩同知○甲寅諭大學士等此次各部院衙門本章停其馳奏凡事俱著皇太子聽理若重大緊要著諸大臣會同議定啟奏皇太子○丙辰先是科爾沁土謝圖親王沙津遵奉 皇上前降密諭遣鄂漆爾往約噶爾丹噶爾丹果沿克魯倫河而下掠喀爾喀納木扎爾陀音遂踞巴顏烏蘭 上調度各路兵馬既畢於是日率諸王貝勒貝子公文武大臣詣 堂于行禮祭旗幟 親領六軍啟行

三月丁卯先是戶部侍郎恩格色奉差往口外掘井至是復命 上問一井供飲人馬幾何恩格色不能對 上諭議政大臣等恩格色爲人昏憤居官亦不端著革職充卒伍從軍效力○戊辰諭領侍衛內大臣等侍衛官員人等前令各領行李而行今未見有隨行者嗣後著各領行李至駐紮處各相助安營朕每日常於野次暫坐若於朕前過者俱勿下馬是日 上出行宮令喀爾喀貝子盆楚克等射畢 上親率 諸皇子並侍衛等射 上連發五矢俱中兩翼侍立蒙古諸王台吉及貝子盆楚克等皆驚異讚美曰射之神奇有如此耶 皇上英武誠邁世矣於是眾皆跪請視 皇上之弓 上笑以所持弓授親近侍衛吳什博示眾皆通相控引竟不能張乃復相顧驚歎曰如此勁弓如何引滿耶○辛未 上駐蹕滾諾爾地方雨雪交作 上以軍士未卸安營而服驟立俟眾軍士結營畢始入行宮營中皆炊飯然後進膳又遣御前侍衛海青以囊駝載帳房及食物柴炭賜轎車未至之人舉轎○庚辰于故巡撫王維珍祭葬諡敬愷

夏四月丙戌朔 上次察罕布喇克○己丑先是遣侍衛克什圖主事保住使噶爾丹所至是坐臺員外郎席保住奏克什圖等攜噶爾丹奏章步行而回 上問議政大臣料噶爾丹待我兵否諸臣奏曰前噶爾丹遣回阿爾必特帖等時一面作往工噶勞圖地方遊牧之狀卻仍駐紮如故今觀其駐於土喇而遣回克什圖等或不待我兵而竟遁未知知也使克什圖等步行而同者是正欲其遲到雖出兵不能追及之意 上曰朕熟計噶爾丹情形久矣噶爾丹之心必以爲今當春令馬匹羸瘦北路既無水草沙磧瀚海又甚難行大兵勢不能到至朕親來彼萬難料及故尋我使之馬駝令步行而回不過欲堅彼部下蒙古之心示以不懼耳非欲使我兵遲延彼得遠遁也朕先傳諭大將軍費揚古與約師期今費揚古奏本月二十四日可至土喇若依期而至兩路夾攻則噶爾丹在我掌握安能復脫若我兵先到彼必連夜逃遁費揚古兵縱少遲緩必至土喇地方噶爾丹以疲敝乍到之兵費揚古迎擊可盡行殲滅觀彼在我使者之前舉動噶爾丹早已入我計中矣○壬辰 上駐蹕塔爾奇喇先是遣官於塔爾奇喇掘井無水駕至清泉忽涌導成巨流人馬資用不絕眾皆謂 皇上洪福所致無不大悅○甲午諭內大臣等茲已抵邊界自明日始著列營○乙未恩從大臣佟國維索額圖伊桑阿等奏傳聞噶爾丹之去已遠 皇上當徐還使西路兵前進 上召諸臣諭曰朕以噶爾丹侵擾喀爾喀及外藩蒙古故秣馬厲兵整軍運餉分路進剿曲盡籌畫告祭 天地 宗廟 社稷務期剿滅噶爾丹而還自兵丁以至廝役無不思滅噶爾丹者況爾大臣俱係情願效力告請從軍之人乃不奮勇前往遠巡退後朕必誅之不知爾等視朕

爲何如人哉 太祖高皇帝 太宗文皇帝親行仗劍以建五基朕不法 祖行事可乎我師既至此地噶爾丹可擒可滅而肯性

懦退縮且大將軍伯費揚古兵與朕軍約期夾擊今朕軍失約即還則西路之兵不可問矣還至京城何以昭告 天地 宗廟

社稷乎佟國維等叩首謝罪頃之前遣往哨探護軍參領車克楚至言噶爾丹未還仍在克魯倫聚眾始曉悟 禮部議覆福建巡撫

卞永譽奏耿逆叛亂時福甯總兵官吳勝福福州府知府王之儀邵武府知府張瑞武江西建昌府知府高天爵建甯府同知喻三

畏邵武府同知高舉侯官縣知縣劉嘉猷尤溪縣知縣李埴福州城守營千總廖有功等守節殉難請建公祠致祭從之○以兵部

選至軍中馬匹贏瘦革兵部左侍郎朱都納職○戊戌諭撫遠大將軍伯費揚古朕所統軍將至汎界時即差護軍參領車克楚前

鋒保衛祁薩木往克魯倫左側攔探聲息今車克楚等還奏云臣等初九日到伊扎爾地方見有寇蹤於是轉回初十日遇沙津王

所差鄂濟爾等言噶爾丹於本月初開自土喇向克魯倫移營第三日我等歸時噶爾丹在達爾漢敖拉山以此揆之噶爾丹已近

所統大軍矣此寇乃極狡猾之人如敢遁斷不越土喇必渡克魯倫或從俄債巴爾濟赴塞梭格或繞巴顏烏蘭之後設伏爾等

兩隊兵見彼下克魯倫若隨蹤而往未必不入其伏兵之中朕甚慮之特遣藍翎侍衛殷納等諭爾可詳詢地里及彼脫逃之路小

心堵繫不可以彼向下流行而輕之特諭○王寅以齊稽爲盛京工部侍郎○丁未撫遠大將軍伯費揚古奏臣於四月初

八日至翁金口東進兵駐紮烏蘭厄爾幾地方若甯夏兵於初九日至烏蘭厄爾幾地方臣等或一路進兵或兩路進兵會同定議

其奏者仍不至據正月二十八日奔來喀爾喀逃入會有噶爾丹今在土喇上流之語臣等亦不便久待即於初十日啟行進趨土

喇矣其甯夏兵到時即隨後進發鄉導等約畧計云初十日自烏蘭厄爾幾起程行二十二宿於次月初三日可至土喇喇克山

之西克勒河朔地方 上諭諸王大臣曰前因大將軍伯費揚古奏言四月二十四日可到土喇二十七日到巴顏烏蘭是以中

路大兵整旅安行已來至近敵之地矣伯費揚古沿途耽誤許久不見奏聞今忽奏稱改期目前我軍既逼近噶爾丹應不必待伯

費揚古軍當即前行爾等議奏尋信都王鄂扎貝子蘇爾發等議臣等竊思噶爾丹若果有恃我軍之意則亦可俟西路之兵矣若

不能禦我軍咸欲行逃竄則其地方寬闊信豫擁逼必相隔遠遙今量西路兵所到之期緩行以待兩路夾進似爲有益領侍衛內

大臣蘇爾達馬思喀等議臣等前因伯費揚古原奏內有二十四日至土喇之語度等待之期不甚久遠故請俟伯費揚古兵至然

後進發今伯費揚古奏五月初三方至土喇喇克山之克勒河朔臣等詢問鄉導言自喇克山之克勒河朔前行入宿第九日

始至巴顏烏蘭地方噶爾丹若由巴顏烏蘭北逃竄亦有去路如此則等候日期太遠若我軍不進噶爾丹不戰而走一時難於追

獲今我軍似應前進酌量而行宗室公吞珠領侍衛內大臣公舅興佟國維等議中路大軍前進宜近抵克魯倫河前奉諭有欲遣

使往噶爾丹之語若伯費揚古之兵可待即往來遣使延緩日期以待伯費揚古之兵若有可行事宜我軍勢大可即行剿滅噶爾

丹極其狡猾如大軍不近抵克魯倫河而噶爾丹順克魯倫河下流而去則我大軍似難追及矣得旨遣乾清門侍衛馬武往皇長

子允履營內侍讀學士喇錫往五旗營內商之○遣侍衛額林辰齋敕諭撫遠大將軍伯費揚古曰爾初七日奏言五月初三日可到土喇爾原奏言四月二十四日可到土喇二十七日到巴顏烏蘭是以朕軍因水草無誤定於二十五日開到克魯倫河今差前鋒視其行蹤亦已獲其生口矣噶爾丹有沿克魯倫河而下之勢與我相隔五日程此際爾等理應遣奏數次則朕軍易於迎待而爾等久不來奏不知已到何地恐稽時日催趕而行遂先於爾等今或待或行係在兩可情事重大爾等如何行路當速來報聞原議兩路兵孰先到數日有務須等候之約是以朕且待且行如必不得已則當相機行事耳特諭○辛亥諭議政諸臣俟至拖陵地方再遣使於噶爾丹度伯費揚古等兵亦將到噶爾丹若遣使來我亦遣使頻往以待伯費揚古等兵彼若乘此逃竄必生內變豈能完全耶諸臣奏曰上諭至拖陵地方再行遣使甚是俟至拖陵時往來遣使以待伯費揚古等兵若噶爾丹接戰則兩路夾擊立行剿滅或逃或降至彼再議上是之諭領侍衛內大臣等噶爾丹自以爲無所畏憚煽惑諸蒙古竊踞克魯倫地方謂朕必不親征今我軍緊要軍器俱已備至若噶爾丹聞朕已至必先逃竄爾等欲戰耶欲使噶爾丹逃竄耶可各陳所見諸臣奏曰臣等之意聽彼逃竄似比戰爲愈但所以使噶爾丹逃竄之計臣等不得而知上曰噶爾丹原係行劫小寇素無遠識信人誑言侵掠噶爾喀以爲我軍不能卽至故敢窺伏克魯倫今大軍已近噶爾丹西路兵亦將至土喇爾等欲使之逃竄朕以爲無難俟其少近遣使往諭云朕欲與親臨約盟爾可前來與我軍會議並不爾剿噶爾丹聞朕親來必連夜奔逃我軍卽行追殺如同土喇退去必是費揚古兵朕於此賊虜慮已久此次噶爾丹必然殄滅拒則糜爛竄則逃亡但于成龍所運之米恐不能應期而至耳伊桑阿等可撰致呈覽俟少近遣主帥卽進兵○壬子奏皇太后書曰臣達 慈顏日久所以未敢請安者軍中人來往頻數則語言淆雜於事機無益且臣愈若仰荷 天佑迅成大功將同捷音並奏也但瞻仰之懷形於夢寐茲特恭請 萬安此間水泉清而地氣淳臣體中甚佳諸皇子諸王大小諸臣以至軍士俱好臣所統兵無有滯誤咸整肅畢至糧車亦接續而來但以待伯費揚古之兵運多需時日耳噶爾丹所在距我師甚近彼聞臣親率兵來必爾竄逃今但臣一路進兵則恐其途徑既多彼將從他處奔突總之此行 天心眷顧似有可憑伏望 聖慈寬舒以待之五月初旬若得事竣約六月初十日可以還京爲此特具奏章自瀚海內察罕布喇克地方馳聞 商南多爾濟齋大將軍伯費揚古奏至言臣等於初十日自烏蘭厄爾幾起程至察罕和胡地方將軍孫思克等亦於十一日至察罕河朔臣等會議將軍孫思克博齊各選精兵二千與臣等一路前進計程本月三十日可至土喇之阿喇克山克勒和勒地方來月初七日可至巴顏烏蘭 上命議政大臣等會議尋議應照 皇上前諭至拖陵時頻行遣使以候伯費揚古之兵兩路夾剿得旨大兵或應卽行前進或應候大將軍兵至夾剿仍著前後營諸王大臣公同議奏前營仍著馬武後營仍著馬福前去 矣莊克清門一等侍衛馬武同奏前營營子大臣等議 皇上親統大兵特爲剿滅噶爾丹而出又思退賊歸路調發西來二路兵俱至正合 皇上神謨今兵力甚盛正宜協力夾攻不名滅噶爾丹其遣使噶爾丹及計大將軍伯費揚古等兵近逼

賊營夾攻剿滅之處俱候 皇上乾斷侍讀學士喇錫回奏後僑皇子王大臣等議與議政大臣同 上諭議政諸臣朕所統大軍
不勞而至人遂馬肥以此精銳人思敵愾雖十萬朕將用策親御以擊之一面遣使往說僑敵人力有餘則聽與我戰力不能及
則聽其走但此寇若走恐在我有追悔之意議政諸臣奏曰噶爾丹若走則吾事已畢當遣使往說眾意合一 上遂遣使之議
五月丙辰朔 上駐蹕拖陵布喇克○己未 上以敕書賜物及所獲厄魯特俄齊爾等四人交公主長史多禪中書阿必達令一
等侍衛喀瓦爾達一等台吉阿喇卜坦以兵衛之送至燕圖庫列圖 上諭喀瓦爾達阿喇卜坦曰爾等不必到克魯倫度其地形
古爾班圖爾罕巴爾代哈當有敵戍守爾等若往克魯倫則畧迂繞彼必截爾等之後爾等勿得過燕圖庫列圖即從彼地遣多禪
等前去未遣伊等之前縱所擒四厄魯特往致聲息可也僑厄魯特勿與之戰但令敕書使臣到彼則已敕諭噶爾丹曰朕統御
萬邦惟以民命爲重不喜殺伐爾厄魯特喀爾喀向奉職貢爾等交惡搆兵以來朕未嘗偏徇而於爾有異視喀爾喀爲爾所敗投
朕乞命如朕不救之則皆饑斃矣朕之濟人非特於喀爾喀如此也凡諸國窮迫來歸者朕亦一體救之已明諭爾數次爾奏章來
索喀爾喀澤卜尊丹巴胡土克圖土謝圖汗言之不已朕始終不以喀爾喀爲直會諭爾此事非懸議所能結當會盟以講之爾又
以生計窘乏不能前來又以誓書所無之言屢向我使臣喇嘛枝梧回奏阿喇尼巡行邊塞猝遇爾兵不待朕旨遂與爾戰因特遣
王與皇子與爾會議爾屬下人又先抗拒以致交兵其時所發他路之兵朕卽遣人止之勿與爾戰爾前年至巴顏烏闌遂掠喀爾
喀之納木扎爾陀音朕又特遣使問故約與議盟今朕與爾若不親面定議不但爾國難存我邊民亦不得甯居因爾來既近故特
屢繕備朕於三月初旬起行西路兵於二月十八日起行黑龍江兵於四月初六日起行盛京甯古塔兵於三月起行今朕大軍已
出汎界與爾逼近西路兵俱已到土喇東路兵俱已溯克魯倫河而來朕向崇禮義順天理而行不恃勢力戕滅他人朕果恃勢力
則竟不遣使統各路之兵而剿滅爾無所不可朕乃不忍生靈橫被鋒鏑是以抒誠遣使朕與爾等觀面定議指示地界爾照舊貢
獻貿易則爾國安生而我邊民亦安乃協朕保列國如赤子之意豈不休歟朕斷不以計誘人切勿疑畏朕來欲與各處將帥閱兵
已傳令伊等勿戰非虛言也爾如不信可留朕所遣使臣內一人在爾地備各處兵進而攻爾爾可差所留人止之一面遣爾前會
奉使爲朕所識之人來奏朕統御萬邦豈肯誘人而破滅之爾式妄動而去則虛朕美意而生靈有不利矣朕茲開誠特賜爾煖帽
蟒袍粧段袷純金鉤並巾纓帶一條及幣十端銀二百兩以公主長史多禪中書阿必達爲使爾其善之自古敵國無害使臣之理
況朕與爾向無隙乎五日內遣爾使借我使來覆特諭○辛酉奉差護送多禪等一等侍衛喀瓦爾達等還奏臣等五月初五日到
克魯倫河不見敵人蹤迹初六日黎明有厄魯特丹濟拉率千許人來截取馬羣遂令侍讀學士殷扎納帶厄魯特名俄齊爾者前
去殷扎納與言我等係 聖朝使臣不得無禮又厄魯特俄齊爾告以 聖上親來將軍費揚古亦下俄爾洪土喇而來丹濟拉大
駭失聲遂領敕書收兵急去○壬戌頃知噶爾丹所在 上躬率前鋒兵在前諸軍鱗次翼張而進兵威之盛彌山徧野不見涯際

整齊嚴肅然無聲在途次一等侍衛喀第由遣人來奏臣等奉旨前往阿思哈圖山探視遇厄魯特數人潛窺我軍營壘遙見我等倉皇逃遁追至阿思哈圖山之東遇巴克什古爾貝勒等共追逐之上笑曰何必追逐任其往報亦足以破噶爾丹之膽也

駕至燕圖庫列圖地方將駐蹕地之水侍衛吳什率鄉導等過一平山忽見泉源涌出水極甘美且充用有餘上大喜亟往視閱立營掘壕遂駐蹕於西巴爾台○中書阿必達還奏臣等進覲噶爾丹蹤迹遇厄魯特二十餘人謂臣等日間 聖上親統大兵而來乞暫緩師噶爾丹在土喇往返須數日 聖上敕書已連夜送往矣請留一使於此俟覆本到以便齋回並發哈什哈二人護送至燕圖庫列圖地方 上復遣扎薩克喇嘛彭素克格隆偕阿必達往諭厄魯特汝等欲我緩兵我師在此地之水明日到克魯倫

河後當再緩行是日密諭各營安紮營壘如故而營內悉撤去帳房即 御營行帳帳城亦俱不設伏兵空壁以待抵暮 上親巡

親營伍○以楊舒爲內閣學士由太僕寺卿調任國勳爲江西按察使由浙江巡撫調任○癸亥 上以克魯倫河爲噶爾丹必爭之地乃分佈隊

伍躬在前鋒前行於途次率數人登高執鏡遠望見東有額爾德尼拖洛海山西有山麓一帶從巴爾代哈迤邐接河岸隱見不甚明晰 上諭科爾沁土謝圖親王沙津達爾漢親王班第喀爾喀車臣汗納木扎爾王西第西里貝勒益楚克貝子日爾等各率

爾屬下蒙古十許人往據西方巴爾代哈山麓高處佯作全軍從此經行之狀敵人來犯勿與之戰誘之前來敵若有備則大兵爭先據河○中書阿必達還據什庫諾爾布還奏臣等至克魯倫河厄魯特皆已去視馬矢似遁已一日阿必達仍追蹤前去 駕抵

克魯倫河諭各隊領軍大臣曰噶爾丹若據克魯倫河我兵奪河交戰猶稍費力今觀其不於此拒戰而竟逃竄是自開門戶以與我也除此地外他處斷不能拒我軍審其情形必連夜逃遁矣當輕騎急追之是日 上駐蹕額爾德尼拖洛海○前鋒統領碩色

擒厄魯特至言噶爾丹得釋回西厄魯特問及黃幄布城網城進止方信 聖駕親來今日親至北方孟納爾山遙望大兵隊伍行列規模大驚曰是兵從天而降耶遂傳令眾人盡棄其廬帳器械逃去 上命賜所擒厄魯特衣服使撥什庫諾爾布追送與兩使

臣又遣喀瓦爾達往額爾德尼拖洛海探視有無賊宅○甲子遣大學士伊桑阿察克魯倫之神 上親率前鋒兵窮追噶爾丹噶爾丹倉皇遁走是後數日沿途大獲所遺器械帳房食用等物是日距克魯倫布隆十八里地方駐蹕○諭領侍衛內大臣等今日

擇厄魯特降人言問朕親率大兵四路並進噶爾丹即行以冀朕若率綠旗步兵前進則牽綴遲誤今可揀選綠旗馬兵會合大將軍費揚古向巴顏烏闕追剿噶爾丹其綠旗步兵應留大臣管轄著隨後緩行前來滿洲兵每旗留二十名應派章京校軍校管轄

宣化府取來礮二十四門亦著留下漢軍礮十六門能帶則盡帶往若不能帶著留礮一二門所留之兵應派大臣一員統轄克魯倫之克勒河朔地方去此一百二十里厥作二日程前行到彼所留兵丁著作四日程前行到彼處鹿角兵有不能到者著漢軍大

臣等酌量調撥帶往前去○阿必達等還奏臣等循克魯倫而上擒厄魯特庫濟詢知噶爾丹往克勒河朔去 上諭阿必達等爾以所擒庫濟爲鄉導齋前前往諭噶爾丹言朕欲與爾約會而來爾若不懼親身來議否則於丹濟拉丹津鄂木布杜噶爾阿喇布

坦內通三人前來定議爾勿遁走如或遁走則事不能了而爾與屬下俱至困斃朕寧上居人亦不得安矣爾等追三日如不能及即回可也敕文曰朕以仁御宇內養育羣生惟禮義是尚以順天眷是以昔曾發敕諭盟爾又以生計艱難極窘不能前赴為辭於是朕一切特備來至克魯倫河欲與爾會盟使之永安度日抒我誠心朕與爾親面定議爾仍照舊職貿易則爾下人得以甯居而朕邊民亦得休息朕斷不思詆他人爾勿疑懼避去則事無二期而朕種種美意皆虛矣近遣我使偕爾向日充使朕所識認之人前往令五日內還回特使齎賜爾銀幣以公主長史多禪及中書阿必達為使不知爾國人受我使否得至爾所否朕使又不獲聞爾之言是以又特遣扎薩克喇嘛素克格隆仍以中書阿必達為使朕今已到克魯倫河爾其反復熟籌之或會盟或另議作速遣使來告否則爾下人未必盡如爾心爾未必安枕也爾當細思隨遣使來覆朕用是抒撫恤之心賞資爾馬疲落後之人使之引導至爾所特諭○乙丑阿必達使撥什庫諾爾布還報臣等到克勒河朔見厄魯特下營處盡毀其虛帳棄其什物而走

上復遣喇克扎木素格隆齎敕往諭噶爾丹曰朕惟治道原期有益羣生朕親統大兵欲與爾共議俾羣生享其利益故至此與爾相近處兩次遣使其到否未知爾何竟無一次遣人來也朕為天下大一統之主不肯罔人而行已經屢頒諭旨爾仍不信逃遁而去兵仗器血盡皆拋棄爾所屬之人乞降而來者甚多爾生計迫蹙朕所甚垂憐爾前此無禮於朕使臣朕皆置不問將爾遣棄疾病之人與來歸之人盡皆收養朕若存嗜殺之心豈肯收養爾所屬之人爾仍不信遁去今西路大兵已至巴顏烏蘭朕親統大兵至克魯倫河黑龍江盛京甯古塔等處大兵皆會集於克魯倫河又斷爾歸路之大兵亦已至厄嫩巴爾濟地方爾即欲遁去安可得乎朕不忍生靈之塗炭故復遣使前來並不欲爾斷滅出自至誠賜爾段十疋著大喇嘛垂喇克扎木素格隆為使前去爾試反復思之若仍照舊職貢而來歸順可於丹濟拉丹津鄂木布杜噶爾阿喇布坦三人中速遣一人來為此特諭○丁卯上駐蹕掩訥阿林諭議政大臣等噶爾丹逃竄已遠沿途潰散今應選兵交糧臨邊窮追官軍米糧所關甚重兵丁所帶八十日口糧日期將滿于成龍所運米尚未到若大兵前進則距所運米太遠同時糧餉必至若隨應使大兵迎糧而還糧備有牛羊斷然不至缺乏西路大兵亦由中路來料理糧務甚要著議政大臣等議奏又諭噶爾丹亡命奔逃早已至巴顏烏蘭矣若我全軍追趕似不能及應選派輕騎追逐除喀瓦爾達所領前鋒二百外其餘前鋒盡行派出滿洲火器營兵及親隨護軍亦盡派出著追至巴顏烏蘭過巴顏烏蘭以抵不必前往諸王等所屬之人若自有一二十口糧不用官糧者亦令同往其同回之兵但留其至掩陵所需五日之糧將餘糧著各旗大臣親驗給與前進兵丁議政大臣等議噶爾丹震懾天威內自潰亂亡命逃竄應遣兵追討之處上諭種為詳至自應祇遵得旨依議○命領侍衛內大臣馬思聰為平北大將軍領兵追剿噶爾丹○戊辰奏皇太后書曰臣自出京歲軍行在道日惟訓習軍士愛惜戰馬周防哨瞭申明賞罰計程行四十日可抵其處因侍伯費揚古期會之兵沿途駐師不能如期而至至於上天仁愛事事默垂眷佑水泉乏絕之地修爾清流沸涌前克魯倫地旱甚草枯如冬噶爾丹馬畜疲斃我兵甫至

而兩草遂茂生萊陸之厄魯特問我軍云此地數日前青草會無一草今何以忽然而生汝軍中誠有善於求兩者乎又見我軍於河中捕魚彼云汝軍捕之輒爾多獲我等捕之一無所得於此見我等口祿絕矣我軍遂逐厄魯特凡五日見其所遺佛經帳房所自殺婦人稚子及疾病之人釜驚醒具網罟甲冑鞍轡衣服食用未得並在釜之羹在革之醪盡其所有貧窮度日之物率皆委棄其垂首鼠竄之狀殊不堪觀矣比問蒙古及喀爾喀等如此捐棄逃竄爾等視之以爲何如皆云此不但棄其重物雖輕物亦棄之度日之資咸盡矣惟倉皇求生並其所屬之人皆不暇顧又喀爾喀言此卽我等當日情形我等叨蒙 聖主恩養得以有生否則盡委溝壑矣今噶爾丹誰復養養必窮困盡絕而已其言如此臣觀之果然噶爾丹已經逃遁料其斷不能復來因灼見其情形形迹如此遂酌遣將士窮追往迎伯費揚古之軍此行臣統大兵深入賊望風逃遁全師凱旋者誠大慶幸至蒙古之性情地方之水草兵法之宜守宜戰宜招徠宜遣使宜焚燎及斷其道路防禦堵截難易機宜目所洞悉身所經歷咸已知之自茲以後亦甚易矣臣於六月初十日內可至京師臣此行乃國家福祉 上天眷佑爲此不勝欣喜愧切具奏以聞 上諭師駐蹕克勒河朔是日清晨五色雲見○已侍衛額林辰翁撫遠大將軍伯費揚古奏至言臣等欽遵諭旨當卽率大兵星夜前進但行程遙遠馬匹少疲而噶爾丹自布爾察克地方以前十餘站盡焚有草之地因另覓草地趨行仍亟於初三日至土喇以靖噶爾丹之後但祈 御駕稍緩使臣得會師合剿 上於途次閱之喜諭眾大臣曰朕統大兵窮追噶爾丹五日若再前進噶爾丹必成擒矣因不得伯費揚古兵消殲于成能所運米又不至故遣馬思喀率兵往追令伯費揚古於初三日至土喇則與朕本意相合噶爾丹諒必不能竄去矣○庚午平北大將軍馬思喀奏臣等十四日至巴顏烏蘭南十五里遇往哨之喀瓦爾達攜厄魯特降人奔第來言噶爾丹於特勒爾濟地方遇大將軍費揚古兵交戰噶爾丹敗回復列陣拒敵我軍步戰而前對壘之際見噶爾丹散亂奔竄之狀我遂逃去本降臣等率兵次於額格木爾地方次日倍道前進謹將投降奔第解送得旨著作速繼知京城○子故盛京工部侍郎傅德榮奏○奏西 上駐蹕中地陵先是十二日 上諭近御侍衛等適朕心中似有先機西路官兵今日必成功矣至是捷報至果於是日破噶爾丹諸臣皆驚服以爲如神○撫遠大將軍伯費揚古遣副都統阿南達奏捷奏言五月十三日臣軍正向昭莫多前進驟探之報達等至特勒爾濟口見厄魯特蹤迹遣人來報臣等卽合署前賢統領額爾代副都統阿南達阿迪等率前鋒挑之因厄魯特勢衆殲代等且射且卻誘至大軍將及昭莫多臣等令將軍孫思克率綠旗官兵居中京城西安滿洲漢軍官兵察哈爾諸扎薩克蒙古藏東方山之高處右衛滿洲漢軍官兵大同總兵官康調元綠旗官兵喀爾喀扎薩克噶西西方治河布陣謹遵 聖上豫授之策令營兵皆步行噶爾丹率賊萬許向前逆戰官兵奮勇自未至西擊噶爾丹而大敗之分行追逐至特勒爾濟口剿殺三千餘里斬首二千餘級生擒百餘人俘獲子女駝馬牛羊兵器什物無算得旨嘉獎下詔從優議敘 上問阿南達交戰情形阿南達奏曰伯費揚古恐涉誇張故奏內皆約畧言之其實交戰處斬賊三千餘級其餘被創逃竄死於山谷中者屍骸枕藉生獲數百人殺噶爾

丹之妻阿奴及賊之渠首甚眾惟噶爾丹引數騎逃出其營星逃散之賊投降大將軍馬思喀者千餘人據降人言噶爾丹遁時部眾多出怨言噶爾丹云我初不欲來克魯倫地方爲達賴喇嘛煽惑而來是達賴喇嘛陷我我又陷爾眾人矣 上問曰西路大兵若如前約於四月二十四日至土喇二十七日至巴顏烏蘭則更當何如阿南達奏曰誠若是則賊無一得脫矣 上顧諸大臣曰師行絕域卽奏膚功皆 上天眷佑應先行叩謝乃於行宮南門外設香案親率諸皇子王大臣官員及外藩王行禮大學士伊桑阿張玉書恭捧諸王大臣文武官員慶賀表入奏 上曰朕爲中外生民之主綏輯海宇愛養元元惟以率土乂安爲念厄魯特噶爾丹擾亂邊塞心懷狡謀逆天虐民不容不行剿滅朕親率大軍遠出塞外肅討有罪噶爾丹聞風遁走希圖倖脫適與西路大兵相遇大事伯費揚古等奮勇力戰大敗賊眾擒斬無算盡獲其人口牲畜從此邊境寧謐不煩速事征討四海蒼生可共享昇平之福朕心深切喜悅於是諸皇子在帳城內諸王及文武大小官員外藩王台吉在帳城外行慶賀禮○奏 皇太后書曰臣君臨萬邦撫御天下於茲三十餘年數經擾亂俱已削平惟噶爾丹自烏蘭布通遁逃以來悖棄舊言搖動外藩此賊一日不滅則邊陲一日不甯是以前後周悉思維不憚一身勞苦大漠沙碛多方跋涉自古迄今軍旅未行之路冒速征出其不意以此強寇肝膽爲之破裂不戰而逃臣窮追五日見其沿途將所用器物盡皆棄去已經遠去更欲前追以軍糧漸至短少再四籌度徒勞師眾放度量敵人蹤迹遣兵進追於所遺兵補給二十日口糧班師而還業經馳奏以聞荷蒙 上天垂眷俯協人心大將軍伯費揚古之兵適至戰於特勒爾濟地方剿殺噶爾丹賊眾子女駝馬牛羊盡皆俘獲厄魯特今已殄滅矣臣不獲定省 慈安奉侍左右者凡八十日盡剿賊眾奏凱而還於六月初十內可以抵京此皆 上天默佑凡在師中人人等罔不踴躍歡欣臣之福慶駢集所向有成臣誠不自知也不勝懇切屏營之至謹具奏聞○丙子留牧汛界蒙古王等行慶賀禮 上諭爾等意中會料朕此行可直抵克魯倫立奏大功而還如是之速乎朕嗟爲天子富有四海此番出征朕日食一餐夙興夜寐櫛風沐雨每至一處朕皆步行及聞噶爾丹確信朕親率前鋒窮追凡此特欲速滅兇寇使爾等咸得安生故耳今噶爾丹已滅不但爾等永無侵擾之虞得享昇平之樂朕亦不復爲爾憂勞矣諸蒙古王等跪奏云 皇上念我外藩蒙古不辭勞苦七旬之內立奏膚功誠世所罕有功德誰不傾心歸服 上曰爾等於引路探信牧馬掘井諸事甚爲效力誠屬可嘉朕必重加賞賚朕皆以汎界之內視爲一家今土喇克魯倫以內皆爲一家矣○庚辰 上駐蹕塔爾奇喇賜留牧蒙古諸王貝勒貝子台吉等宴及白金喀爾喀妻子老幼齊集行宮東門叩謝再造之恩 上諭朕君臨天下統御萬邦本無分於內外卽絕域荒陬皆吾赤子一體眷念厄魯特噶爾丹逆天肆虐恃強陵弱擄掠喀爾喀等國朕不辭勞瘁親統大兵征伐剿滅今厄魯特之禍靖則朔方永清矣爾七旗喀爾喀自今以後各自樂業圖報國恩以副朕家視天下至意隨命原封貝子伊爾登濟農達禮等以次入帳城進見眾皆叩頭歡呼萬歲復賜茶及宴賞銀幣衣服有差自是以後至獨石口皆依此例每日王貝勒貝子台吉等來行宮外慶賀朝謁貢獻駝馬牛羊不可數計 駕行時男婦老幼拜跪路旁

六月乙酉朔命理藩院檄青海薩楚墨爾根台吉等諭以噶爾丹敗逃及達賴喇嘛已死九年第巴匿之假其言誑誘噶爾丹作亂之故令探聽噶爾丹聲息儻彼西走即行擒解至噶爾丹女嫁於博碩克圖濟農之子並噶爾丹之人在青海者悉令執送○癸巳上還京師○甲午羣臣行慶賀禮○諭領侍衛內大臣等略爾喀郡王善巴會奏噶爾丹不可使久據克魯倫地方應速征剿此次用師善巴盡所有馬匹供我軍騎乘甚著勞績殊可嘉獎貝子益楚克圖都逃遁即遣人追捕此次用兵凡擒活口偵賊信亦懋著勤勞應將伊等敘功以示激勵議政諸臣會議具奏尋議覆郡王善巴應授爲親王貝子益楚克圖應授爲郡王從之○乙未諭大學士等此番出征地方形勢守亦可戰亦可但得天時甚難兵早出則天寒無草乏水兵不能行遲出則天暑雨水多僅連日霪雨則樵採不敷必致窘乏此番兵出遇無水之地而得水無草之地而草生寒暑俱調此特上天眷佑故滅寇而成大功並非人力之所能及也其以是傳諭九卿○諭朕茲出師見察哈爾之軍人皆壯健效力爲最其護軍每月應加餉一兩至四十九旗士卒連年出征巡哨往返勞苦每兵一名歲以六兩爲率給與三年○副都統阿南達奏問降人言噶爾丹逃向何方知之不明丹濟拉丹津鄂木布會丹津阿拉布坦於博羅之地不久即別率其屬下百餘人往覓噶爾丹丹津阿拉布坦率其屬下五百餘人順博羅河下流而去我等俱自彼地來聞滾占之妻率其屬下人從慈山南渡土喇河溯塞梭河還走其內自亂伊德順阿爾桑桑等叛而內來滾占之妻率兵與戰伊德順柯爾桑桑敗又噶爾丹所設尾後兵明吾特布喇特兩處千許人正當噶爾丹敗亂之時見丹津阿拉布坦屬下人婦孺子從特勒爾濟口向博羅河而走此千許人追及之奪其畜產婦子中之佳者往投喀爾喀和托輝特之根敦戴青而去 上以示議政諸大臣○己亥轉阿爾拜爲戶部左侍郎以陶岱爲戶部右侍郎學士選○左都御史蔣安道以目疾乞解任允之○停本年秋審○癸卯轉馬爾漢爲兵部左侍郎以嵩祝爲兵部右侍郎朱都納爲內閣學士原任兵部○以吏部左侍郎常書爲翰林院掌院學士刑部右侍郎尹泰爲詹事俱仍帶侍郎品級○壬子轉安布祿爲吏部左侍郎調阿爾拜爲吏部左侍郎管右侍郎事轉陶岱爲戶部左侍郎調庸愛爲戶部右侍郎以阿山爲盛京禮部侍郎_{由左副都御史選}○以吳興爲左都御史_{由副都御史選}○癸丑達賴喇嘛使人戈尼爾羅卜臧帕克巴格隆等奉諭自西甯至京 上命領侍衛內大臣索額圖大學士伊桑阿傳諭曰噶爾丹敗於烏闡布通遁走之時首頂威靈佛像設誓云不但聖上屬下人民即喀爾喀降人以外再不敢復犯矣去年又背誓至克魯倫地方殘害喀爾喀掠我降人納木扎爾陀音於是朕親統太軍往討噶爾丹懼而奔遁適遇我防禦之兵誅殺過當噶爾丹率數人逃竄餘者盡降厄魯特遂滅厄魯特降人告曰達賴喇嘛久已脫縑矣天下蒙古皆遵奉達賴喇嘛如達賴喇嘛身故理宜報聞諸護法主以班禪主喇嘛之教繼宗喀巴之道法乃匿達賴喇嘛之喪指達賴喇嘛之名唆誘噶爾丹朕屢遣使問之第巴皆不使與達賴喇嘛相見僞居高樓之上以示之第巴原係達賴喇嘛下管事人朕優渥之封爲土伯特國王乃陽奉宗喀巴之道法陰與